

QUÆSTIO MEDICA,

CARDINALITIIS DISPUTATIONIBUS,
manè discutienda, in Scholis Medicorum, die Jovis septimâ Maii.

M. PETRO POURRET, unici Regis Fratris
Medico ordinario, Doctore Medico, Præsîde.

An fugiendus somnus paulisper à cibo?

I.

INTEGER vitæ scelerisque purus, fortunatè vivens cum mente sana in corpore sano: quâ (amabo) arte felicitatis humanæ apicem attinget? legitimo dubio procul, & opportuno sex rerum non naturalium usu, earundem verò abusu intempestivo, morborum fatique præmaturi infelicitatem sibi accerset. Ut itaque optimum illud vitæ suavioris condimentum sanitas conservetur, à qua functionum animæ & corporis integritas pendet, aëris requiritur benignitas, sobrietas, sanioris, & diuturnioris vitæ cultus habita, excretorum, & retentorum moderatio, pacatus affectuum humanorum usus: ut enim ventus navigio, ita hominibus affectus humani, quasi adminicula ad præclaras actiones. Quiete & otio contabescimus, exercitiis roboramur: ut non mirum videatur, si rei militaris periti, plus quotidiana armorum exercitia, ad sanitatem militum putaverint prodesse, quàm Medicos. Itaque pedites sine intermissione imbribus, vel nivibus sub tecto, reliquis diebus in campo exerceri voluerunt, equites non solum in planis, sed etiam in abruptis & fossarum hiatu, difficillimis semitis, seque & equos suos assidue exerceri jusserunt, cum laboris consuetudo & in castris sanitatem, & in conflictu possit præstare victoriam. Dandum aliquod subinde intervallum animo, quod alimenti & virium loco sit, & in ambulationibus apertis vagandum, ut cælo libero, multoque spiritu augeat, attollatque se animus, aliquando vectatio iterque, & mutata regio vigorem dabunt, convictusque & paulò liberalior potio, quæ curas eluit, & ab imo animum movet, & ut morbis quibusdam, ita mœrori ac tristitiæ medetur, meminervis, raritatem veneris utiliorem esse frequentia; cum in ea

homo alius exiliat ex homine. Ut vivas, vigila interdū, & à pueritia; si enim per diem noctemque somnum continēs mors erit? quid enim tunc somnus gelidæ nisi mortis imago. Sit igitur moderatus, & opportunus, multus enim nec corpori nec animo, nec rebus gerendis naturā conducit. Nemo quidem cum dormit alicujus est pretii, non magis quā si non viveret. Quicumque vivere & sapere cupit longissimo tempore vigilet, sola sanitatis servata commoditate, ad hanc verò non multo opus est somno, si benè assueveris, ut plurimum, septem horas dormisse sat est. Imperator Augustus, septem horarum somno quotidie gaudebat, & sanè nisi somnus quietem corporibus, & medicinam quandam laboris afferret, contra naturam putaremus datum, aufert enim sensus, actionemque tollit omnem. Quia tamen absolutè conducit refectiōi, somno necessario indulgendum, sed tempestivo, paulisper scilicet à cibo quem facillè sequitur, ut patet in omnibus ferè animantibus sylvestribus & domesticis, in pueris, senibus, aliisque plurimis, qui brevi à pastu obdormiscunt facillè, utiliter, & opportunè, longiorem ideo post cibos vigiliam damnat divinus senex, cum cibum non sinat colliquefcere.

I I.

VIGILANDI, dormiendique quædam vicissitudo est, quod enim caret alterna requie durabile non est. Somnus laborum condimentum, vigiliæ excipiens videtur animi in medium sese recessus, pax animi, quem cura fugit, qui corpora duris fessâ ministeriis mulcet, reparatque labori. Dividitur in naturalem, non naturalem, & præternaturam. Naturalis ille est, qui post moderatas & usitatas vigiliæ, quotidie hominemprehendit, ut tres solennes celebrentur cōtiones, & exhausti per vigiliæ refarciantur spiritus. Non naturalis ille perhibetur, qui naturali profundior ac gravior est, vel ob nimiam & immodicam spirituum exolutionem, ut post insignes labores, vigiliæ diurnas, exercitationes immodicas, alvi profluvia, & similia exsolventia succrescere solet, vel quod halituoso quodam succo non tam facillè solubili caput inebrietur, ut temulentis evenire solet. Præter naturam is habetur, qui à causâ sobolescit morbifica & vincit spiritus, ultra omnem naturæ necessitatem & nutritatus evictionem, habetque τὸ δυσδιέξετον ut difficilis ab eo fiat excitatio & expergefactio. Somnus autem naturalis definitur requies ac cessatio sensus principis & communis, exteriorumque sensuum, motusque voluntarii, ad salutem animantium, à defectu vel motu imminuto spirituum animalium, citrà sanguinis & cerebri vitium oriunda. Is verò duplex perfectus &

imperfectus, in priori omnes ferè sensationes internæ & externæ, singuli musculorum motus, à voluntatis arbitrio pendentes seriantur & cessant, aut intermissionem quandam vigoris pariuntur, quiescente enim corpore, seminis, urinæ, fœcum effusiones fiunt interdum, saltem nemo dormiens tonicam & extremam musculorum nanciscitur figuram, quippe quæ validam ac vehementer intensam eorundem expetit actionem, qualis solis vigilantibus inest. In hoc somno omnes ferè partes laxantur, non à sanguinis defectu, qui inter dormiendum præterfluit, sed spirituum animalium à quibus tenduntur partes, suumque servant tonum. Imperfectus autem definitur impotentia ad omnes sensationes, & motus voluntarios exercendos, ex defectu vel imminuto motu spirituum animalium oriunda. Cessatio hæc non est plena corporis solutio, sed dumtaxat remissio, non ad otium & locordiam, sed ad negotiorum & actionum quietem moderatam & opportunam non longè à pastu. Imperfectus quoque observatur somnus in noctambulis ut de se ipso narrat Pergamenus, quorum nonnulli de lecto surgunt, domus portas adaperiunt cum solitis clavibus, & in equilibis à se ipsis reseratis equos curant, claudunt deindè portas, lectumque repetunt; dormientes eosdem quis sentire diffiteatur, cum claves distinguant, incedendo nociva fugiant, eorum motus avi imaginatrice proficisci facile est dignoscere. Noctambuli in hoc ecstaticis à sensibus alienatis, & melancholicis comparandi, quod uni tantum rei & objecto sint attenti, quandoquidem intentarum cogitationum vestigia earum representativa persæpè adaperita reperiuntur, ad quæ jugiter feruntur spiritus, conceptæque de iis idæ, eosdem ad has ferè partes determinant, quæ eorum affectui obediunt, si verò fortè è somno excitentur, ita perterrentur ut metuumdum sit, ne in vitæ periculum incendant.

I I I.

MINUS verè Aristoteles somni causam adscribit vaporì alimentorum benigno cerebri frigore & madore sensum communem obliganti, concreto, ac deorsum prolabenti; influens calidum ad cor retrudenti, cum post labores ex prolixo studio, sollicitudine, silentio, meditatione, titillatione, cantu, & similibus, vel jejuno homini obrepat somnus: immò & ipsa voluntas somnum quodammodo aucupetur & accersat, quia liberum animalium functionum suspendit exercitium, quibus otiantibus spiritus ad pericula revocantur; nec pariter admitto precariam illam anathymiasin ad cerebri substantiam elatam ejusque ductus obturantem. Somni

parentem unicam agnosco σύναντον ἡρεμίου εἶσα revocationem caloris vivifici spirituum animalium ad intima, ab animalium functionum organis ad proprias scaturigines, & à corporis circumferentia ad alimenti officinas, sequitur autem propter innatum consensum hunc spirituum motum sanguis præsertim calidior ac subtilior, chylo saturatus aliquo spiritus vinciente. Ita tantisper ab assumptis cibis opportunè somnus succedit. Quod intrò ad ventriculum, coctionis gratia revocetur calor. Similiter post corporis aut animi labores aliaque exolventia somnus inducitur, ut dissipati refarciantur spiritus. Reliqua quæ inter somni effectrices causas numerantur, occasiones & allectamenta potius dicenda sunt somni, qualia sunt longæ vigiliæ, defatigationes, labores, curæ, suavis cantus, concentus, soni amœniores vel minus elegantes, murmur & strepitus aquarum earumque lenis susurro, lectiones tædiosa, aut minus attentæ, tenebræ, silentium, cogitationum suspensio solitudo: quæ omnia aut animam ab intenta applicatione divertendo, promptam spirituum expansionem cohibendo, aut eorum motum ratione quapiam intrò inclinando somnum accersunt, ubi cerebrum sensus & motus fons feriat ob spirituum ad illius penetralia & promptuaria collectionem, primique sensorii requiem. Calor spirituum foras emergens somnum excutit & vigiliam promover, dum sanguis spissior mistione chyli crassioris & sulphurei subtilior redditur, evektorum sulphurum exaltatione, saliumque volatiliū evolutione è principiis crassioribus, quæ salia molem sanguineam dividendo, & attenuando serum separant, eorumque à cerebro absentia nec subsidet, nec laxatur amplius, & ita fit libera & liberalis spirituum anadosis seu distributio, sensus & motus organa contenduntur, & transmittendis ad cerebrum objectorum vibrationibus redduntur apta, voluntariisque motibus accommodata, hinc vigiliæ somno succedaneæ, & in occasionibus vehementium intus & extra impressionum perceptiones, cum à valido excitantur objecto, sive, strepitu, & similibus, quin & valentiores interdum exercentur quandoque motus, instigante imaginatione rationis moderamine minimè frenata. Idem calor spirituum intrò reductus ad viscera salutarem partibus quietem conciliat, quam ipse captare nescit. Idem tenebrarum impulsu languesceret in sensu, nisi ultro receptui canens, ad congelta alimentā se converteret. Grato musicæ concentu otiosus. Mœcanati per triennium infomni, somnos comparavit, quos Mario juniore vehementer *ἡρεμίου εἶσα* *deservit* ademit, labore, inedia, vigilia pauperum passus, adegit Annibalem ad ripam fluminis dormiret ut altum.

SOMNUS recreator corporum, virium redintegrator, operum pacator, medicus laborum, sollicitudinum perfugium, viscerum cibis & potus, artuum quies, dono divum gratissima serpit, affecta vigiliis corpora recreat, attenuant vero juvenum vigilata corpora noctes. Per hunc mens & corpus benè placidèque conquiescunt, si opportuno tempore non longè ab alimentis ineatur. Somnus concoquit, vigilia digerit, visceribus jucundior est vigiliâ, in quibus universi corporis opes conduntur, quare curam omnem & diligentiam adhibent Medici in illis tuendis, in somno ubi hæc mirè reficiuntur nutritione, quæ gnaviter & expeditius nobis consopitis munus suum obit, sicque perficitur coctio, intus & in ambitu, & fatigati ac languidi placantur artus? His quidni alios effectus & phænomena somni jungamus. Somnus impingat, vigilia extenuat, quia in vigilia longiori sanguis atteritur, musculorum contractione, particulæ sulphuræ & volatiles in auras abeunt, serum salia dividens dissipatur, acrior evadit sanguis, ob sulphurum salia necentium contritionem, ita sanguis nutriendis partibus ineptus evadit, sed partes dumtaxat solidas attenuat, suisque asperitatibus radit. Contra verò somnus impingat quia sanguis in quiete lenrè movetur, sulphura non dividuntur, sed inspissantur, nec motu musculari atteruntur, hæc eadem diu in vesiculis adiposis immorantia corpus in molem carneam adaugent, ut videmus in glire, tota mihi dormitur hyems & pinguior illo tempore sum, quo me nil nisi somnus alit. Ibis apud Indos avis turdo similis, appensa per sex menses arbori in somno pinguissima evadit. Cur clauduntur palpebræ dormituriensibus, & ita gravant oculos? Quod elevatores musculi sint exigui, comparatione instituta cum orbicularibus claudentibus oculos, in quibus copiosiores nidulantur spiritus, gravitas verò palpebrarum à lachrymis diluentibus, sese in laxatarum palpebrarum membranas insinuantibus, quas inflant & gravitatis sensum inferunt, hinc quoque à somno oculi intumescunt sicut & à sanguinis desidia in partibus relaxatis. An somnus motum sanguinis compescit in febribus? Videtur compescere retardando sanguinis motum? Cur paulo antè & post somnum pandiculationes, oscitationes? quod musculi non tendantur, defectu spirituum in musculis, quare sanguis immoratur & injucundum gravitatis sensum infert, membrorum contractiones parientem, & ita sanguis stagnans tensionis partium musculosarum defectu exprimitur, ex lege siquidem unionis animæ cum corpore, illicò ac pars aliqua malè afficitur, sufficientes

spiritus amandantur ad auxilium rei nocivæ, ejusdem expulsores : officitationes pariter, quod sanguis spissior diutius immoretur, à subfidentiâ pulmonum, qui ut exprimatur magnis indiget inspirationibus, distenditur siquidem pulmo spiritalis antlia, spongiosumque sanguinis & aëris commiscendorum spiraculum, sanguis hac mechanica attenuatur, & liberius itque reditque viam. Idem parit studium pertinax in merosis & tristibus ? Cur partes respirationi dicatæ moventur in somno ? Id sanè à nervis cerebelli, cujus strictior textura serum non admittit, à quo possit relaxari, & glandulæ tonum suum amittere. Non æqua est in somno transpiratio ac in vigilia, ex tardiori sanguinis motu, & membrorum quiete, & ob influentis calidi ad viscera revocationem, nec injuria, cum enim vigiliæ ad influentis calidi expansionem oriantur, certè, ut ad ejus contractionem revocetur somnus consonum est, maximè cum id calidum functionum omnium extet instrumentum, nec aliud in corpore annoretur, quod adeò celeres subire valeat mutationes : hinc in dormientibus frigus, livor, & pallor revocati caloris inditia initio, tandem plerumque calor tum à cooperimentis, & à materia transpirationis in linteis recepta, quare incalescunt dormientes & quandoque sudant, à sero crassiori facto.

V.

ΩΡΑΙΩΣ τὰ ἀεγία, tempestiva tempestivè facienda, non semel pronuntiavit divinus Hippocrates, cui assentientes tempestivum somnum censemus paulisper à cibo, hoc adhibito discrimine, ut pro ratione ætatis, temperiei, vitæ generis, tempestatis, consuetudinis, necessitatis & aliorum brevius aut longius interponatur intervallum, quo misceri & dissolvi nonnihil incæperint alimenta sobriè & opportunè ventriculo concredita, portioque excrementorum superflua colloquiis familiaribus, jucundis recreationibus, aut levibus ambulationibus repurgari, & pars chyli amandari per venas lacteas ad subclaviam, cor, pulmones, & caput, ea tamen lege, ut calor & spiritus ab utriculari tibia, non nisi leviter evocentur, citrà perficiendæ chylosteos dispendium : ut enim optimum est laborem cibos præcedere : ita supra modum laborare à cibis pessimum : alioquin si statim à cibo iniretur somnus congestis in esculentorum, potulentorumque promptuarium cibis, & oppresso spiritu, confestim crudo alimento turbaretur & aggravaretur concoctio, & premerentur famulancia respirationi organa, quæ relaxanda, ne somno lædamur. Ita gravantur natantes quibus appenduntur onera. Nec illico à pastu immiscetur chylus sanguini, solum supernatat crudus & indi-

gestus : perviligio breviori vincuntur melius cibi , contractione siquidem musculorum intimius sanguini cremor chylosus permiscetur, perfectioremque naturam adipiscitur , aliter crudiori chylo amittens moles sanguinea suam volatilitatem , paulatim obstructions parere apta est, in vasis, maxime in pulmonibus, ut observatum fuit, in plurimis statim à cibo dormire solitis, qui pthysici intèriere ; aut apoplectici, nec ob has tantum rationes digestio imperfectior in somno celebratur, sed quod etiam motu corporis fermentum alimenta dissolvens intimius cum iisdem misceatur, ut videre est in vase congruo, ubi menstruum agitur ad corporis dissolvendi penetrationem : adde quod non par spirituum copia in cerebello secernatur interdormiendum, ac in vigilia, in qua sanguis subtilior existit, non aqua salivæ abundantia, ac inter vigilandum, oris musculorum contractione. Neque sit cibum inter & somnum longior intercapedo, ne tollatur præcipua somni occasio, turpisque qui alto sole semisomnis jacet, cujus vigilia medio die incipit, ille siquidem male lucis noctisque officia pervertit. Nocte appetente corpora gravis quidam langor invadit, & animas torpor inefficax, suadentque cadentia sydera somnos. Longè præstat paulisper à cibo dormire, facile enim cibum sequitur somnus, quia, quæ facit aër, hæc eadem cibus in venas dum diditur omnes, efficit, & multo sopor ille gratissimus exstat, quem satur aut lassus capias, quia plurima tunc se corpora conturbant magno concussa labore. Opportunior somnus, arctior & paccatior non longè à cibo obrepit, ex legibus mechanicis ; cum enim ventriculus cibus onustus & sætus, vasa vicina, venam cavam & aortam comprimat, sanguis non nili ægrè in inferiora delabitur, & abundantius ad cerebrum ascendit, atque corticales ejus glandulas mole sua comprimens, animalium spirituum secretionem præpedit, sulphureis & phlegmaticis, quibus saturatur particulis, actuosiores & vividiores cruoris moleculas nectit, hinc irretiuntur spiritus, lentescit sanguis, terrestrium unionum particularum, à qua serum separatur & rapitur ad sacram Paladæ arcem, eadem laxatura glandulas, defectuque tensionis, spiritus ad sensus motusque organa exilire nequeunt, ad functiones edendas : ita sensus communis & reliqui obligantur, oriturque somnus. Intercapedo tamen illa in pueris & senibus brevissima sit somnum inter & cænam, in quibus Galenus laudat homericum hoc de Nestore, qui trecentos sic vixisse annos perhibetur, ut lavit sumpsitque cibum dat membra sopori, namque hæc iusta seni. Nec somnus meridianus paulisper à Prandio vitandus, ad virium immo-

derato calore, & labore, aliisque restaurationem, potissimum in regionibus calidioribus, tunc enim novis conatibus tanquam condimento quodam refecti, ad superstites res agendas sese conferunt alacriores.

Non ergo fugiendus somnus paulisper à cibo.

Proponebat Parisiis MICHAEL LUDOVICUS RENEAUME
DE LA GARANNE, Blesensis, Baccalaureus Medicus,
è Regiâ scientiarum Academia. A. R. S. H. 1699.

Apud Franciscum Muguet, Regis & Facultatis Medicinæ
Typographum.